

السلام عليكم ورحمة الله وبركاته

بسم الله الرحمن الرحيم

الحمد لله رب العالمين، والصلوة والسلام على أشرف الأنبياء والمرسلين سيدنا محمد وعلى آله وصحبه أجمعين، سبحانه لا علم لنا إلا ما علمنا إنك أنت العليم الحكيم، اللهم إنا نسألك التوفيق والاستقامة في الدين والدنيا والأخرة...

Kita mulakan makalah ini dengan firman Allah Ta'ala dalam surah at-Takwir ayat 8 - 9 :

وَإِذَا الْمُوْءُودَةُ شِلَّتْ ⑧ بِأَيِّ ذَنْبٍ قُتِلَتْ

Maksudnya :

"Dan apabila anak perempuan yang ditanam hidup-hidup ditanya, dengan dosa apakah ia dibunuh?".

Ayat tersebut menerangkan isu sosial yang berkembang di kalangan masyarakat Arab zaman Jahiliyah, iaitu membunuh anak perempuan dengan بِأَيِّ ذَنْبٍ قُتِلَتْ cara di tanam hidup-hidup. Allah bertanya dalam ayat tersebut dengan dosa apakah ia dibunuh? Allah melarang perbuatan itu, dalam surah al-Israa ayat 31 Allah Ta'ala berfirman:

وَلَا تَقْتُلُوا أُولَادَكُمْ خَشْيَةَ إِمْلَاقٍ نَحْنُ نَرْزُقُهُمْ وَإِيَّاكُمْ
إِنَّ قَتْلَهُمْ كَانَ خَطْأًا كَبِيرًا ۝

Maksudnya :

“Dan janganlah kamu membunuh anak-anak kamu kerana takut kepapaan, Kamilah (Allah) yang memberi rezeki kepada mereka dan kepada kamu. Sesungguhnya perbuatan membunuh mereka adalah satu kesalahan yang besar”.

Difahamkan bahawa pembunuhan anak itu disebabkan oleh faktor ekonomi, ayat itu jelas **خُشِيَّةٌ إِمْلَقٌ** kerana takutkan kepapaan.

Status Perempuan

2. Status perempuan dalam masyarakat Arab zaman Jahiliah adalah rendah, sehingga Al-Quran mengisyaratkan dalam surah an-Nahl ayat 58 :

وَإِذَا بَشِّرَ أَحَدُهُمْ بِالْأَنْثَىٰ طَلَّ وَجْهُهُ مَسُودًا وَهُوَ كَظِيمٌ
58

Yang bermaksud bahawa apabila dikhabarkan kepada seorang suami bahawa isterinya melahirkan seorang anak perempuan, muka suaminya itu berubah menjadi muram sepanjang hari, kerana menanggung dukacita, sedang ia sebenarnya menahan perasaan marahnya di dalam hati.

Selanjutnya ayat itu menggambarkan ia bersembunyi dari orang ramai kerana (berasa malu disebabkan) berita buruk yang disampaikan kepadanya tentang ia beroleh anak perempuan.

3. Ajaran Al-Quran mengangkat status perempuan, Allah Ta'ala berfirman dalam surah an-Nahl ayat 97 :

مَنْ عَمِلَ صَالِحًا مِنْ ذَكَرٍ وَأُنْثَىٰ وَهُوَ مُؤْمِنٌ فَلَنْ يُحِينَهُ حَيَاةٌ طَيِّبَةٌ

وَلَنْ جُزِّيَّنَهُمْ أَجْرُهُمْ بِأَحْسَنِ مَا كَانُوا يَعْمَلُونَ ﴿٤١﴾

Maksudnya :

“Sesiapa yang beramal saleh, dari lelaki ataupun perempuan, sedang ia beriman, maka sesungguhnya Kami (Allah) akan menghidupkan dia dengan kehidupan yang baik, dan sesungguhnya Kami (Allah) akan membalaas mereka, dengan balasan pahala, balasan yang lebih baik dari apa yang mereka telah kerjakan”.

Status lelaki dan perempuan diukur dari segi nilai usaha mereka, Allah memberikan pahala yang lebih baik berdasarkan perbuatan baik dan amal saleh mereka itu. Bahkan Allah Ta'ala mengisyaratkan dalam surah Luqman ayat 14, bahawa manusia wajib berbuat baik kepada kedua ibu bapa mereka, ibu mereka telah mengandung dengan menanggung kelemahan demi kelemahan، (وهنا على من) و هن و mereka dikehendaki bersyukur kepada ibu bapa mereka itu.

Status perempuan sebagai ibu sangat tinggi, Rasulullah *sallallahu alaihi wasallam* bersabda :

جَاءَ رَجُلٌ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ فَقَالَ: يَا رَسُولَ اللَّهِ مَنْ أَحَقُّ النَّاسِ بِحُسْنِ صَحَابَتِي؟ قَالَ: أُمُّكَ، قَالَ: ثُمَّ مَنْ؟ قَالَ: أُمُّكَ، قَالَ: ثُمَّ مَنْ؟ قَالَ: أَبُوكَ.

Maksudnya :

“Bahawa ada seorang datang kepada Baginda dan berkata: Wahai Rasulullah, siapakah orang yang paling berhak saya pergauli dengan sebaik-baiknya? Baginda menjawab: Ibumu. ia bertanya: Kemudian siapa? Baginda menjawab: Ibumu, ia bertanya lagi: Kemudian siapa? Baginda menjawab: Ibumu. Kemudian ia bertanya lagi kemudian siapa? Baginda menjawab : Ayahmu”.

Oleh itu, hormati kedua ibu bapa, berbuat baik kepada mereka. Jangan derhaka, buruk padahnya, silap-silap tidak masuk syurga.

Al-Quran mendidik akhlak dari segi status perempuan adalah jelas, Rasulullah *sallallahu alaihi wasallam* berpesan hormati ibu, hormati ibu, hormati ibu, kemudian barulah hormati ayah. Maka pergaulan dan akhlak yang merendahkan perempuan, menghina perempuan, membunuh anak perempuan, tidak bersesuaian dengan darat manusia, bahkan nilai lelaki dan perempuan itu terletak kepada amal kebajikan mereka.

Sukat-Sukat Nilai

4. Bercakap mengenai akhlak, menurut Kamus Dewan bahawa akhlak itu ialah budi pekerti, kelakuan, tabiat dan watak. Budi itu ialah akal, kebijaksanaan, perangai, sifat atau perbuatan baik, kebajikan, ia juga bermakna bicara dan daya upaya. Kelakuan ialah tabiat yang biasa dilakukan, perangai dan perbuatan. Tabiat pula ialah perbuatan yang selalu dilakukan, dan tingkah laku. Dan watak ialah keadaan jiwa seseorang yang mempengaruhi tingkah lakunya (fikiran dan lain-lain), budi pekerti.

Akhlik bermaksud segala laku perbuatan yang telah menjadi adat kebiasaan, ia dilakukan tanpa berfikir panjang. Akhlak merupakan tingkah laku yang telah menjadi sebahagian cara hidup yang telah lama diamalkan dan diterima oleh sesuatu masyarakat.

Semua orang yang waras fikirannya sukaan akhlak yang mulia, dan mahukan kebaikan, hanya bezanya terletak kepada sukat-sukat yang menentukan nilai-nilai akhlak dan baik itu.

Para ulama merumuskan bahawa sukat-sukat nilai kebaikan itu terkandung dalam 5 kemaslahatan (kepentingan) atau kita sebut sebagai *Maslahah Islamiyah*, iaitu :

- i. Memelihara ugama حفظ الدين
- ii. Memelihara nyawa حفظ النفس
- iii. Memelihara harta حفظ المال
- iv. Memelihara akal حفظ العقل
- v. Memelihara keturunan حفظ النسل

Di atas kelima-lima maslahah (kepentingan) itulah manusia hidup di dunia ini, dan berjuang ingin mempertahankan kehidupan mereka, maka ingin saya namakan sebagai “Nilai Kemanusiaan Sejagat”. Membunuh anak bertentangan dengan *Maslahah Islamiah* (Nilai Kemanusiaan Sejagat) ditinjau dari segi Memelihara Nyawa حفظ النفس.

Para ulama merumuskan bahawa sukat-sukat nilai itu adalah berdasarkan ajaran-Al-Quran, kerana Al-Quran Kalam Allah, Wahyu Ilahi, yang menjadi sumber petunjuk, yang membawa kebahagiaan di dunia dan akhirat. Al-Quran juga diturunkan untuk menjadi penawar dan rahmat bagi orang-orang yang beriman, sebagaimana firman Allah subhanahu wataala:

وَنَزَّلَ مِنَ الْقُرْآنِ مَا هُوَ شَفاءٌ وَرَحْمَةٌ لِلنَّاسِ

Maksudnya :

“ Dan kami turunkan dengan beransur-ansur dari Al-Quran ayat-ayat suci yang menjadi ubat penawar dan rahmat bagi orang-orang yang beriman kepadanya”
 (Surah Al-Isra: 82)

Al-Quran diturunkan kepada Rasulullah *sallallahu alaihi wasallam*, dan Baginda diutus adalah bagi menyempurnakan kemuliaan akhlak, sabda Baginda *sallallahu alaihi wasallam* :

لِتَعْبُدُنِي كَمَا عَبَدْتُكُمْ إِنَّمَا يُنْهَاكُمُ الْأَنْجَلُونَ

Maksudnya :

"Sesungguhnya aku diutus tidak lain hanya untuk menyempurnakan kemuliaan akhlak". Maka akhlak dan petunjuk Baginda hendaklah menjadi contoh dan ikutan.

Pelihara Nyawa

5. Apa dia isu sosial? Isu sosial merupakan persoalan yang berkaitan dengan kehidupan bermasyarakat, pergaulan, perkenalan, aktiviti masa lapang, suka bergaul dan suka berkawan. Ia bukan sahaja memberi kesan negative terhadap fizikal, jiwa dan minda malah memberi kesan yang sama terhadap pembentukan masyarakat dan peradaban manusia. Di antara masalah sosial yang merebak sekarang ini ialah budaya vandalisme dan dera, khalwat dan persetubuhan haram, melahirkan anak tanpa suami, pembuangan anak damit, menagih dadah dan memakan pil serta meminum minuman yang memabukkan, terpengaruh dengan ajaran-ajaran sesat dan menyeleweng, hidup bermewah-mewah sehingga mebebankan diri dengan hutang dan sebagainya.

Di antara isu sosial di negara Brunei Darussalam, ialah Membuang Anak. Sebagai contoh, kita rujuk Pelita Brunei, keluaran 28 Januari 2004, kita dikejutkan dengan kes pembuangan anak damit berhampiran kawasan pembuangan sampah di Rumah Sakit Raja Isteri Pengiran Anak Saleha (RIPAS).

Menurut *Kitab Tafsir Al-Mishbah* karangan M. Quraish Shihab, bahawa: "Masa kini, walaupun bentuk pembunuhan seperti yang terjadi pada masa jahiliah itu, tidak ada lagi, namun bentuk yang tidak kurang kejam dan tidak pula sedikit dosanya adalah pembunuhan melalui aborsi (menggugurkan anak), khusus setelah janin berumur lebih dari 120 hari. Ini serupa dengan perbuatan itu, baik dilakukan melalui

operasi (pembedahan) mahupun dengan meminum ubat yang bertujuan mengguggurkannya".

Panduan Al-Quran dalam mendidik akhlak, di antaranya Jangan Bunuh Anak, jika dapat kita luaskan, maka perbuatan-perbuatan membiarkan anak, tidak mengambil berat mengenai budi pekerti dan pergaulan anak, tidak mendidik dan tidak memberi contoh yang baik mengenai akhlak kepada anak, mungkin hampir maksudnya kepada " pembunuhan anak". Ingatlah, bahawa anak adalah AMANAH Allah diletakkan ke atas bahu ibu bapa mereka.

PELIHARA KETURUNAN

6. Isu sosial membuang anak, menggambarkan tahap akhlak yang rendah. Mengapa ini berlaku? mungkin sebahagiannya ialah anak di luar nikah. Mari kita perhatikan statistik Mahkamah Syariah yang berlaku dari 1 Januari hingga 30 Jun 1998 (bagi 6 bulan saja).

| | | |
|------|---------------------------------------|-----|
| i. | Khalwat | 307 |
| ii. | Persetubuhan Haram | 217 |
| iii. | Persetubuhan Haram (Sumbang Mahram) | 11 |
| | JUMLAH | 535 |

Al-Quran memandang sangat berat isu sosial ini, hukumannya cukup berat. Surah an-Nuur ayat (2) menerangkan bahawa perempuan yang berzina dan lelaki yang berzina, hendaklah disebat tiap-tiap seorang dari keduanya seratus kali sebat. Itu hukuman bagi orang yang belum pernah berkahwin, bagi orang yang sudah berkahwin yang diistilahkan sebagai *Muhsan* (محسن), maka hukumannya adalah rejam sehingga mati. Sayidina Umar *radhiallahu anhu* meriwayatkan bahawa Rasulullah *sallallahu alaihi wasallam* telah merejam orang berzina dan kami telah juga menjalankan hukuman rejam.

Panduan bagi menangani isu sosial jenis ini, Al-Quran memberikan petunjuk yang cukup teratur :

Pertama, Jangan hampiri Zina, surah al-Israa ayat 32 :

وَلَا نَقْرِبُوا إِلَيْنَا إِنَّهُ كَانَ فَحِشَةً وَسَاءَ سَيِّلًا ﴿٣٢﴾

Maksudnya :

“Dan janganlah kamu menghampiri zina, sesungguhnya zina itu adalah satu perbuatan yang keji dan satu jalan yang jahat (yang membawa kerusakan) ”.

Kedua, Menyekat Pandangan dan Memelihara Kehormatan, surah an-Nuur ayat 30 :

قُلْ لِلْمُؤْمِنِينَ يَعْضُوُا مِنْ أَبْصَارِهِمْ وَيَحْفَظُوا فُرُوجَهُمْ
ذَلِكَ أَنَّكُمْ لَهُمْ إِنَّ اللَّهَ خَيْرٌ بِمَا يَصْنَعُونَ ﴿٣٠﴾

Maksudnya :

“Katakanlah (wahai Muhammad) kepada orang-orang lelaki yang beriman supaya mereka menyekat pandangan mereka (dari memandang yang haram), dan memelihara kehormatan mereka. Yang demikian itu lebih suci bagi mereka, sesungguhnya Allah amat mendalam pengetahuannya tentang apa yang mereka kerjakan”.

Ketiga, Panduan yang lebih jelas, dalam surah an-Nuur ayat 31 yang bermaksud :

“Dan katakanlah kepada perempuan-perempuan yang beriman supaya :-

- (i) menyekat pandangan mereka (daripada memandang yang haram),
- (ii) dan memelihara kehormatan mereka,
- (iii) dan janganlah mereka memperlihatkan perhiasan tubuh mereka kecuali yang zahir daripadanya,
- (iv) dan hendaklah mereka menutup belahan lihir bajunya dengan tudung kepala mereka,

- (v) dan janganlah mereka memperlihatkan perhiasan tubuh mereka melainkan kepada suami mereka, atau bapa mereka, atau bapa mertua mereka, atau anak-anak mereka, atau anak-anak tiri mereka, atau saudara-saudara mereka, atau anak bagi saudara-saudara mereka yang lelaki, atau anak bagi saudara-saudara mereka yang perempuan, atau perempuan-perempuan Islam, atau hamba-hamba mereka, atau orang gaji dari lelaki yang telah tua dan tidak berkeinginan kepada perempuan, atau kanak-kanak yang belum mengerti lagi tentang aurat perempuan,
 - (vi) dan janganlah mereka menghentakkan kaki untuk diketahui orang akan apa yang tersembunyi dari perhiasan mereka,
 - (vii) dan bertaubatlah kamu sekalian kepada Allah, wahai orang-orang yang beriman, supaya kamu berjaya”.

Janji Setia

7. Kita kembali kepada sejarah, semasa berlakunya *Bai'atul 'Akabah* (Janji Setia Akabah) yang pertama pada tahun ke 12 dari kenabian, di antara isi kandungan Janji Setia kepada Nabi sallallahu alaihi wasallam dari penduduk-penduduk Madinah yang memeluk agama Islam ialah “Mereka Tidak Akan Melakukan Perbuatan ZINA”. Surah al-Mumtahanah ayat 12 menyebut mengenai *Bai'ah* (بيعة) dan janji mereka Tidak Akan Melakukan Perbuatan ZINA itu yang berbunyi :

يَنْأِيْهَا النَّىٰ إِذَا جَاءَكَ الْمُؤْمِنَتُ يُبَايِعُنَكَ عَلَىٰ أَن لَا يُشْرِكَ
بِاللَّهِ شَيْئًا وَلَا يَسْرِقُنَّ وَلَا يَرْزِقُنَّ وَلَا يَقْتُلُنَّ أَوْلَادَهُنَّ وَلَا يَأْتِيْنَ
بِعُهْدَتِنَّ يَفْرَغُنَّهُ وَبَيْنَ أَيْدِيهِنَّ وَأَرْجُلِهِنَّ وَلَا يَعْصِيْنَكَ
فِي مَعْرُوفٍ فَبَايِعُهُنَّ وَأَسْتَغْفِرُهُنَّ اللَّهَ أَنَّ اللَّهَ عَفُورٌ رَّحِيمٌ

Yang bermaksud :

Yang bermaksud :

"Wahai Nabil! Apabila orang-orang perempuan yang beriman datang kepadamu untuk memberikan pengakuan taat setia, bahawa mereka tidak akan melakukan syirik kepada Allah dengan sesuatu pun, dan mereka tidak akan mencuri, dan mereka tidak akan berzina, dan mereka tidak akan membunuh anak-anaknya, dan mereka tidak akan melakukan sesuatu dusta yang mereka ada-adakan dari kemahuan hati mereka, dan mereka tidak akan menderhaka kepadamu dalam sesuatu perkara yang baik, maka terimalah pengakuan taat setia mereka dan pohonkanlah kepada Allah mengampunkan dosa mereka, sesungguhnya Allah amat pengampun lagi amat mengasihani".

Kitab Fiqhus Sirah: Dirasat Minhajah 'Ilmiyah Li-Siratil Musthafa Alaihi Shalatu Wa Salam karangan Dr. Muhammad Said Ramadhan menyatakan bahawa: "Keislaman seseorang bukan sekadar mengucapkan Dua Kalimah Syahadat, tetapi merupakan ketetapan hati dan pengakuan lisan. Rasulullah *sallallahu alaihi wasallam* melanjutkannya janji setia بيعة untuk membina akhlak para muslimin itu dengan akhlak dan perinsip-perinsip Islam, termasuklah tidak berzina dan tidak membunuh anak-anak mereka. Perkara-perkara yang terkandung dalam janji setia بيعة itu merupakan perkara-perkara penting dalam menegakkan masyarakat di bawah pimpinan Rasulullah *sallallahu alaihi wasallam*".

8. Inilah di antara panduan Al-Quran dalam mendidik akhlak umat Islam, bagi memelihara keturunan manusia (offsprings)، menjunjung tinggi nilai kesucian keturunan. Maka bagi para remaja, jauhilah perbuatan-perbuatan yang boleh menggelorakan hawa nafsu, dan jauhilah perbuatan zina. Para remaja eloklah berkahwin segera jika berkemampuan, dan jika tidak mampu maka hendaklah mereka berpuasa, itu adalah maksud pesanan Rasulullah *sallallahu alaihi wasallam* kepada para remaja.

Memelihara keturunan, menjunjung tinggi nilai kesucian keturunan, dan menjunjung tinggi kemuliaan MARUAH adalah salah satu tungak utama yang

diistilahkan sebagai Maslahah Islamiah iaitu حفظ النسل (menjaga keturunan). Ini adalah Nilai Kemanusiaan Sejagat.

Pelihara Akal

9. Menurut statistik “Kesalahan Minum Minuman Memabukkan” yang di bawa ke Mahkamah Syariah dari tahun 2000 hingga 2005 berjumlah 127 kes. Dan menurut Lapuran Biro Kawalan Narkotik, bahawa dari bulan Januari hingga Mei 2004 terdapat 355 kes tangkapan mengenai penyalahgunaan dadah.

Minuman keras dan penyalahgunaan dadah membawa akibat yang buruk, buruk kepada diri pelakunya, buruk kepada masyarakat, dan menjadi beban kepada Negara.

Isu sosial jenis ini, dijelaskan oleh Al-Quran bahawa minum arak adalah suatu kebiasaan pada zaman Jahiliah, dan ia terbawa-bawa hingga ke zaman Rasulullah *sallallahu alaihi wasallam*. Maka bagi menangani isu sosial yang ditimbulkan oleh pengaruh dan kesan daripada meminum arak, iaitu mabuk dan hilang fikiran, maka Allah pada mulanya melarang supaya janganlah bersembahyang dalam keadaan mabuk. Surah an-Nisa ayat (43) :

يَسْأَلُهُمُ الَّذِينَ ءَامَنُوا لَا تَقْرَبُوا الْمَسْكَنَةَ وَأَنْتُمْ سُكَّرٌ

Maksudnya :

“Wahai orang-orang yang beriman! janganlah kamu menghampiri sembahyang (mengerjakannya) sedang kamu dalam keadaan mabuk”.

Al-Quran mendidik akhlak supaya akal hendaklah dipelihara. Semasa mengerjakan sembahyang hendaklah dalam keadaan sedar, dalam keadaan otak yang waras, ibadah sembahyang tidak boleh dilakukan dalam keadaan mabuk.

Al-Quran menghargai akal, supaya akal itu dapat membuat perbandingan di antara baik dan buruk, manfaat dan mudharat. Langkah selanjutnya Allah menurunkan, surah al-Baqarah ayat (219) yang berbunyi :

يَسْأَلُونَكَ عَنِ الْخَمْرِ وَالْمَيْسِرِ قُلْ فِيهِمَا إِثْمٌ كَبِيرٌ
وَمَنَفْعٌ لِلنَّاسِ وَإِثْمُهُمَا أَكْبَرُ مِنْ نَفْعِهِمَا

Maksudnya :

"Mereka bertanya kepadamu (wahai Muhammad) mengenai arak dan judi. Katakanlah: pada keduanya ada dosa besar dan ada pula beberapa manfaat bagi manusia, tetapi dosa keduanya lebih besar daripada manfaatnya ".

Al-Quran mendidik manusia supaya memelihara akal, akal hendaklah sentiasa sedar, dan sentiasa waras, dahulu orang kata " tepuklah dada tanya selera " kini kita ubah " tepuklah dada tanyalah IMAN " .

Kemudian Al-Quran mengharamkan terus meminum arak, surah al-Maa'idakah ayat 90 :

يَكُوْنُوا الَّذِينَ أَمْنَوْا إِنَّمَا الْخَمْرُ وَالْمَيْسِرُ وَالْأَنْصَابُ وَالْأَرْلَمُ رِجْسٌ
مِنْ عَمَلِ الشَّيْطَانِ فَاجْتَبَيْهُ لَعَلَّكُمْ تَفْلِحُونَ ﴿٩٠﴾

Maksudnya :

"Wahai orang-orang yang beriman! bahawa sesungguhnya arak, dan judi, dan pemujaan bermula, dan mengundi nasib dengan batang-batang anak panah adalah semata-mata kotor (keji) dari perbuatan syaitan. Oleh itu kendaklah kamu menjauhinya supaya kamu berjaya ".

Ada dua perkara penting mengapa arak itu diharamkan, pertama, ia kotor dan keji, dan kedua ia adalah perbuatan syaitan. Akal yang dipengaruhi oleh arak, dan apa jua benda-benda yang seumpamanya seperti dadah, boleh menjadikan akal tidak waras, orang yang sedemikian, dalam keadaan tidak sedar, apa saja boleh dilakukannya, semua boleh jadi, itulah perbuatan syaitan. Kita tahu pula sikap syaitan, عدو مبين (musuh yang nyata). Musuh sentiasa ingin menjahanamkan kita. Berhati-hatilah dan Waspadalah.

Godaan Syaitan

10. Contoh dari Al-Quran, seorang perempuan yang hawa nafsunya digelorakan oleh syaitan, memujuk seorang pemuda untuk melakukan perbuatan yang terkutuk. Surah Yusuf ayat 23 – 24 menggambarkan bahawa Nabi Yusuf dipujuk rayu oleh isteri tuannya, perempuan itu cantik dan menarik, istilah sekarang ini “mengancam”, mereka berada di dalam sebuah bilik, pintu-pintu bilik itu ditutup oleh perempuan itu, apa terjadi, ayat 24 surah Yusuf:

وَلَقَدْ هَمَتْ بِهِ وَهُمْ بِهَا لَوْلَا أَنَّ رَبَّهُنَّ رَبِّهِنَّ كَذَّالِكَ
لِنَصْرِفَ عَنْهُ السُّوءَ وَالْفَحْشَاءَ إِنَّهُ مِنْ عِبَادِنَا الْمُخْلَصِينَ ٢٤

Bermaksud :

“Dan sebenarnya perempuan itu telah berkeinginan sangat kepadanya, dan Yusuf pula (mungkin timbul) keinginannya kepada perempuan itu kalaullah ia (Yusuf) tidak menyedari kenyataan TuhanNya (tentang kejinya perbuatan zina itu). Demikianlah (takdir Kami) untuk menjauhkan dari Yusuf perkara-perkara yang tidak baik dan perbuatan-perbuatan yang keji, kerana sesungguhnya ia dari hamba-hamba Kami yang dibersihkan dari segala dosa”.

Di antara pengajarannya, bahawa hamba Allah yang hatinya bersih dan sentiasa ingatkan Allah akan dapat menyelamatkan dirinya daripada godaan syaitan. Maka kita kena pelajari dan mustahak mengamalkan cara-cara membersihkan hati,

dan cara-cara supaya kita sentiasa mengingati Allah. Inilah akhlak yang berpandukan ajaran Al-Quran, *insya Allah* terselamat daripada perbuatan buruk, dan tidak turut menyumbang kepada isu sosial.

Harta

11. Punca isu sosial yang lain di Brunei ialah masalah ekonomi, Lapuran Komprehensif Jawatankuasa Peringkat Kebangsaan Bagi Menangani Isu Sosial yang dikemaskinikan pada 20hb Oktober 2003, menyatakan di antara lain bahawa status sosio-ekonomi dalam keluarga boleh mempengaruhi didikan dalam keluarga. Mengikut beberapa buah kes yang ditangani oleh Unit Perkhidmatan Hal Ehwal Masyarakat, bahawa di antara punca yang menyebabkan terjerumusnya remaja-remaja dalam aktiviti yang tidak sihat seperti mencuri adalah disebabkan oleh masalah kewangan. Ada juga yang ingin hidup mewah dengan cara yang mudah. Di antara masalah ekonomi yang menyumbang kepada isu sosial ialah ;

- Kemiskinan
- Mengamalkan cara hidup mewah.
- Menganggur atau tidak mempunyai pekerjaan
- Kesempitan wang.
- Banyak Hutang.
- Kos kehidupan yang tinggi (high cost of living)
- Peluang pekerjaan yang tidak seimbang dengan kelulusan/ kebolehan (mismatched job opportunities).
- Tatacara dan syarat-syarat pinjaman yang dikenakan oleh bank-bank dan institusi-institusi kewangan yang sangat rigid.

Mari kita merujuk kepada al-Quran, di antara sifat orang-orang muttaqin itu ialah mengeluarkan zakat, rukun Islam yang ketiga, Allah berfirman dalam surah al-Baqarah ayat 3:

الَّذِينَ يُؤْمِنُونَ بِالْغَيْبِ وَيَعْمَلُونَ الصَّلَاةَ وَمَمَارِزُهُمْ يُفْعَلُونَ ﴿٢٩﴾

Maksudnya :

"laitu orang-orang yang beriman kepada perkara-perkara ghaib, dan mendirikan (mengerjakan) sembahyang serta membelanjakan (menafkahkan) sebahagian dari rezeki yang Kami (Allah) berikan kepada mereka".

Di antara sifat golongan muttaqin itu ialah orang yang membelanjakan hartanya pada jalan kebaikan, surah al-Lail ayat 18 – 21 :

الَّذِي يُؤْتِي مَالَهُ يَرْتَجِى ﴿١٨﴾ وَمَا لِأَحَدٍ عِنْدَهُ مِنْ
يَعْمَلُهُ بَخْرَى ﴿١٩﴾ إِلَّا أَنْ يَعْلَمَ وَجْهَ رِبِّهِ الْأَعْلَى ﴿٢٠﴾ وَلِسُوفَ يَرَضِى ﴿٢١﴾

Maksudnya :

"Yang menafkahkan hartanya dengan tujuan membersihkan dirinya dan harta bendanya, sedang ia tidak menanggung budi sesiapa pun, yang patut dibalas, hanyalah ia mengharapkan keredhaan Tuhan yang maha tinggi, dan demi sesungguhnya! ia akan tetap berpuas hati (pada hari akhirat, dengan mendapat segala yang diharapkan)".

Secara umum ayat ini membicarakan tentang usaha manusia yang menafkahkan hartanya untuk meraih keredhaan Allah, dan diriwayatkan ayat ini secara khususnya mengenai perbuatan Sayidina Abu Bakar yang menggunakan seluruh hartanya untuk kepentingan Islam demi mendukung *Rasulullah* *sallallahu alaihi wasallam* dan dakwah Islamiah.

Balasan orang yang menafkahkan hartanya ke jalan Allah sangat besar, surah al-Baqarah ayat 261 berbunyi :

مَثْلُ الَّذِينَ يُنفِقُونَ أَمْوَالَهُمْ فِي سَبِيلِ اللَّهِ كَمَثْلٍ حَبَّةٍ
 أَنْبَثَتْ سَبْعَ سَنَابِلَ فِي كُلِّ سَنْبُلَةٍ مِائَةُ حَبَّةٌ وَاللَّهُ يُضَعِّفُ لِمَنْ
 يَشَاءُ وَاللَّهُ وَاسِعٌ عَلَيْهِ
 ﴿٢٦﴾

Maksudnya :

“Bandingan (nafkah) orang-orang yang membelanjakan hartanya pada jalan Allah, ialah sama seperti sebiji benih yang tumbuh menerbitkan tujuh tangkai, tiap-tiap tangkai itu pula mengandungi seratus biji. Dan (ingatlah) Allah akan melipat gandakan pahala (rahmat) kurniaNya, lagi meliputi ilmu pengetahuanNya”.

Inilah cara Al-Quran memberikan panduan dalam mendidik akhlak manusia dari segi penggunaan harta dan membelanjakan harta. Yang ingin diraih ialah keredhaan Allah.

12. Dalam pada itu, sifat sebaliknya iaitu bakhil dalam menyumbangkan harta di jalan yang berkebajikan, disifatkan oleh Allah ﷺ “mendustakan agama”. Surah al-Maa'uun ayat 1 – 3 :

أَرَعَيْتَ الَّذِي يُكَذِّبُ بِالْدِينِ ﴿١﴾ فَذَلِكَ الَّذِي يَذْعُزُ الْيَتَيمَ
 وَلَا يَخُضُّ عَلَى طَعَامِ الْمُسْكِينِ ﴿٢﴾

Maksudnya :

“Tahukah engkau akan orang yang mendustakan agama (meliputi hari pembalasan)? orang itu ialah yang menindas serta berlaku zalim kepada anak yatim, dan ia tidak menggalakkan untuk memberi makanan yang berhak diterima oleh orang miskin.

وَمَا مِنْ بَخِلٍ وَاسْتَغْنَىٰ ۝ ۸ ۝ وَكَذَبَ إِلَّا حَسِنَ ۝ ۹ ۝ فَسِنِيسِرُهُ لِلْعَسْرِيُّ ۝ ۱۰ ۝ لَا وَمَا يَعْنِي عَنْهُ مَا لَهُ إِذَا تُرْدَىٰ

Maksudnya:

"Sebaliknya: Orang yang bakhil (daripada berbuat kebajikan) dan merasa cukup dengan kekayaannya dan kemahuannya, serta ia mendustakan perkara yang baik, maka sesungguhnya Kami (Allah) akan memberikannya kemudahan untuk mendapat kesusahan dan kesangsaraan, dan apakah pertolongan yang dapat diberi kepadanya oleh hartanya apabila ia telah terjerumus (ke dalam azab siksa hari akhirat)?".

Sebenarnya, kecelakaan besar akan menimpa orang yang mendapat kekayaan tetapi bakhil. Surah al-Humazah ayat 1 - 4 berbunyi :

وَيَلْكُلُ هَمْزَةً لَمَرْزَةً ۝ ۱ ۝ الَّذِي جَمَعَ مَا لَأَوْعَدَهُ ۝ ۲ ۝
يَحْسَبُ أَنَّ مَا لَهُ أَخْلَدُ ۝ ۳ ۝ كَلَّا لَيُبَدِّلَنَّ فِي الْحُكْمَةِ ۝ ۴ ۝

Maksudnya :

"Kecelakaan besar bagi tiap-tiap pencaci, yang mengumpulkan harta dan berulang-ulang menghitung kekayaan, ia menyangka bahawa hartanya itu dapat mengakalkannya (dalam dunia ini), Tidak! Sesungguhnya dia akan dicampakkan ke dalam neraka al-Huthamah “.

Harta itu kepunyaan Allah, aturan mencari dan membelanjakannya MESTILAH menurut aturan yang ditentukan oleh Allah, termasuklah dalam menangani isu sosial dari segi kemiskinan, iaitu melalui zakat, sedekah, pemberian dan sebagainya dengan ikhlas kerana Allah. Sungguhpun menafkahkan harta dalam berbuat kebajikan itu nampaknya dari segi kuantiti harta itu berkurangan dan luak, tetapi di sisi Allah harta itu bertambah dan bertimbun, ganjarannya PAHALA dan SYURGA.

كُلُوا وَاشْرِبُوا) 13. Disamping itu, kita sebagai pengguna, perlu ingat, pertama) makanlah kamu dan minumlah kamu dari benda-benda (حَلَالٌ) yang halal, bukan benda-benda yang haram atau diragui kehalalannya. Maka kita mestilah berjaga-jaga dalam hal seperti ini, akhbar Borneo Bulletin keluaran 18hb Disember 2004 memberitakan mengenai pasangan tempatan membawa masuk ke negara ini daging yang diragui kehalalannya, dan akhbar Media Permata keluaran 24 November 2000 memberitakan mengenai biskut dengan kandungan babi dijual secara terbuka. Maka jauhilah memakan benda-benda itu dan yang seumpamanya.

طَيِّبًا Kedua makan dan minumlah dari benda-benda (طَيِّبًا) yang baik, bukan benda-benda yang busuk, yang kotor, yang tidak berzat.

وَلَا تَسْرِفُوا Ketiga janganlah membazir, kerana pembaziran adalah jejak langkah syaitan. Jangan diikut jejak langkah syaitan itu.

اَتَلْهُو حَفَظْ Harta hendaklah dipelihara, pendidikan akhlak dalam memelihara harta

ialah dengan mendapatkannya secara halal, dan membelanjakan harta itu dijalankan kebaikan. Garis-garis panduan mengenainya terdapat dalam kitab-kitab Fikih.

Maka panduan Al-Quran dalam menangani isu sosial dibidang kemiskinan ini ialah menggalakkan orang-orang kaya supaya “MEMBANTU” orang-orang yang miskin, orang-orang susah, Allah menyediakan Ganjaran Yang Besar bagi mereka yang berbuat demikian. Murah hati itu adalah akhlak yang terpuji, dan manfaatnya dinikmati oleh masyarakat, dan ia menyumbang kepada keamanan dan ketenteraman.

Al-Quran menyuruh bekerja, mencari nafkah yang halal, jangan biarkan diri menganggur, kerana hasil kerja itu dinilai oleh Allah. Firman Allah:

وَقُلْ أَعْمَلُوا فَسِيرِيَ اللَّهُ عَمَلَكُ وَرَسُولُهُ وَالْمُؤْمِنُونَ

Maksudnya:

“Dan katakanlah: “Bekerjalah kamu, maka Allah dan Rasul-Nya serta orang-orang Mu’min akan melihat pekerjaanmu itu”.

(Surah At-Taubah: 105)

Merusakkan dan mengambil harta orang, seperti mencuri dan merompak, menipu dan menerima rasuah, maka balasannya akan menimpa pelakunya di dunia dan di akhirat.

Ajaran Sesat

14. Di antara isu-isu sosial yang kita hadapi ialah anasir-anasir yang ingin merosakkan akidah umat Islam, di antaranya ialah ajaran-ajaran yang menyeleweng, seperti mana dalam Pelita Brunei keluaran Rabu 28 Januari 2004 mengenai beberapa ajaran sesat yang telah diharamkan oleh kerajaan, di antaranya fahaman Bahai, Ajaran Qadiani, ajaran Al-Arqam, ajaran Tarekat Abdul Razak, ajaran Sahoni Tasipan, Tarikat Mufarridiyah, ajaran Silat Lintau, Pergerakan Al-Maunah dan lain-lain.

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu’izzaddin Waddaulah memberikan panduan yang tegas mengenai perkara akhlak dan ajaran ugama, sebagaimana titah baginda dalam majlis sambutan Israa dan Mikraj yang berlangsung pada 19hb Januari 1994, baginda menegaskan bahawa banyak tamadun telah runtuh yang berpunca daripada pengabaian nilai-nilai akhlak. Dan sekarang, hakikat itu menjelma pula dengan adanya negara-negara binasa, atau yang sedang menuju kehinaan serta mengalami kedudukan merosot dan kurang penting disebabkan oleh pengabaian terhadap nilai-nilai akhlak itu. Mereka tidak mementingkan disiplin dan peraturan Tuhan, tetapi sebaliknya menjalani kehidupan yang berlawanan dengan disiplin ketuhanan. Kita memerlukan lebih banyak perhatian kepada soal-soal moral dan etika, bukan sebaliknya. Kita

mestilah patuh dan mula membangun dengan berlandaskan nilai-nilai murni yang dibenarkan oleh agama”.

Bersempena Menyambut Tahun Bahru Masihi 1993, baginda menegaskan antara lain:

“Kemajuan yang kosong dari nilai-nilai moral dan agama telah mula menampakkan kehampaan dan kerugian yang besar kepada dunia, iaitu ternyata dengan berkembangnya sekarang bermacam-macam unsur maksiat dan jenayah dikalangan manusia, di mana ini boleh membawa kehancuran dan kebinasaan yang menyeluruh.

Bagi Negara Brunei Darussalam mestilah membangun dan berusaha menurut arus perkembangan yang sihat dan selamat di bawah inayah dan petunjuk Allah, iaitu ajaran-ajaran agama Islam yang maha suci”.

Punca Masalah Sosial

15. Inilah di antara panduan memelihara agama حفظ الدين yang dititahkan oleh raja kita, ajaran-ajaran Al-Quran dan as-Sunnah hendaklah menjadi panduan kita. Rasulullah *sallallahu alaihi wasallam* meninggalkan kepada kita, untuk kita pegang dengan kuatnya, supaya kita tidak akan sesat selama-lamanya, iaitu “ Al-Quran dan Sunnah nabiNya ”.

Manusia memerlukan ugama, ajaran-ajaran Al-Quran mengangkat dan meninggikan akhlak, darjat dan kemuliaan maruah manusia, supaya manusia itu lebih tinggi dari keulahan Haiwan.

Berdasarkan kepada pengalaman Unit Perkhidmatan Hal Ehwal Masyarakat, Polis Diraja Brunei dan Kementerian Hal Ehwal Ugama dalam mengendalikan keskes yang melibatkan remaja-remaja, telah dikenalpasti punca-punca masalah sosial di negara ini, iaitu seperti berikut :-

- Masalah kerohanian
- Masalah Keluarga
- Masalah persekitaran
- Masalah ekonomi

Penerapan nilai-nilai murni bermula daripada keluarga itu sendiri. Ibu bapa yang mampat rohaninya dengan ajaran-ajaran keugamaan akan mempengaruhi anaknya menjadi baik. Kanak-kanak / remaja yang terjerumus dalam kegiatan antisosial adalah disebabkan :-

- Kurang didikan, pengetahuan, penghayatan mengenai ugama.
- Ibu bapa tidak mempunyai didikan asas ugama.
- Ibu bapa mengabaikan tanggung jawabnya.
- Ibu bapa kurang / tidak mempunyai pengetahuan ugama.

Pendidikan Ugama

16. Kerana itu didikan ugama Islam adalah penting, didikan dan asuhan ugama Islam itu hendaklah diamalkan dan dipelihara. Elok kita soroti sedikit sejarah perkara ini di Negara Brunei Darussalam.

16.1 Latarbelakang

Dalam awal tahun lima puluhan, satu kajian mengenai tahap pengetahuan ugama di kalangan murid-murid di sekolah kerajaan diadakan. Di antara isi laporan kajian itu ialah :

- a) Pelajaran Ugama yang diadakan di sekolah melayu dan Inggeris tidak mempunyai masa yang cukup, ianya hanya setengah jam seminggu. Sebagai kesannya pelajaran agama tidak mencapai

matlamat sebenar. Contohnya kebanyakkan murid tidak tahu mengucap dua kalimah Syahadat dan tidak tahu rukun Islam.

b) Guru-guru yang mengajar tidak mempunyai kemampuan akademik dan profesionalisme yang mencukupi.

Berdasarkan laporan itu, Kebawah Duli Yang Maha Mulia Maulana Al-Sultan Omar ‘Ali Saifuddin Sa’adul Khairie Waddien, menitahkan supaya pelajaran ugama disekolah-sekolah di negara ini diadakan secara berasingan dengan tidak dicampur dengan pelajaran-pelajaran lain. Tegasnya, pelajaran sekolah melayu dan Inggeris diadakan sebelah pagi dan pelajaran ugama diadakan sebelah petang.

16.3 Matlamat

Baginda menggariskan matlamat sekolah ugama itu, baginda bertitah dalam penyata pertama sekolah-sekolah agama kerajaan Brunei bagi tahun 1956, 1957 dan 1958 di antara lain:

“Maka saya dengan sukacita mengingatkan atau menasihatkan rakyat-rakyat negeri ini hendaklah dihantar anak-anak ke sekolah ugama sama ada anak lelaki atau perempuan. Maka dari kecil eloklah dilatih dan diasuh serta dikuatkan mengamalkan apa-apa suruhan ugama dan menjauhkan apa tegahannya.”

“Saya berharap pihak yang berkenaan mengisikan sepenuh-penuh sekolah dalam negeri Brunei pelajaran ugama sebelah petang dan saya berharap keadaan sekolah-sekolah ugama Brunei ini dibina lagi dengan berlebih-lebih memberi puas hati dalam sèrba-serbi perkaranya daripada keadaan yang ada pada masa ini. Amin Ya Rabbal alamin.”

Selanjutnya Baginda bertitah di dalam penyata itu :

“Dan lagi sebagaimana pendapat saya sudahlah patut masanya tiap-tiap sekolah melayu dan Inggeris yang ada dalam negeri Brunei ini diadakan pelajaran ugama sebelah petang oleh kerana menolak berbagai-bagai bencana dan fitnah pesona yang didatangkan oleh pihak yang tidak suka atas ketenteraman dan keelokkan akhlak anak-anak bumi putera puteri negeri ini, khusus dalam pelajaran ugama itu berbagai-bagai ajaran dan didikan cara-cara memperbaiki perjalanan hidup supaya tidaklah seorang itu tercebur dalam lembah kehinaan yang tidak disukai oleh semua bangsa yang beragama dalam muka bumi ini. Adalah pelajaran ugama itu faedahnya dapat menjauhkan daripada desakan pelajaran-pelajaran diayah dan ilmu-ilmu yang palsu. Maka dengan adanya pelajaran ugama itu untuk memperkuatkannya tali muhibbah diantara satu dengan lain serta bersatu padu supaya membina darjat sesuatu pekerjaan yang sesuai dengan adat lembaga berdasarkan dengan agama Islam dan mengurangkan daripada beberapa perbuatan yang tidak disukai oleh ajaran Islam. Mudah-mudahan dapat beberapa murid-murid keluarga sekolah ugama ini kelak untuk menyiarluar pelaran Islam dimerata-rata ceruk rantau negeri ini”.

Hasrat dan cita-cita Al-Marhum Baginda ini diteruskan serta dipertingkatkan lagi oleh kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah dengan menyediakan peruntukan untuk membangun sekolah-sekolah agama khas, disemua daerah di Negara ini, dan meningkatkan taraf guru-guru agama tempatan dengan menubuhkan Maktab Perguruan Ugama Seri Begawan. Kemudian pada tahun 1989 Baginda menubuhkan Institut Pengajian Islam, dengan mengeluarkan Diploma Pengajian Islam, pemegang diploma itu diterima belajar oleh Universiti Al-Azhar, Mesir di tahun akhir bagi mencapai Ijazah Serjana Muda, dan akhirnya pada tahun 2000 Institut Pengajian Islam itu dicantumkan ke dalam Universiti Brunei Darussalam yang bertaraf sebagai sebuah fakulti.

16.3 Pendidikan Ugama Diutamakan

Kepentingan Pendidikan agama di Negara ini adalah sangat jelas, Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzadin Waddaulah Sultan Dan Yang Dipertuan Negara Brunei Darussalam, telah bertitah sempena hari kebangsaan Negara brunei Darussalam yang ke-21 pada 15hb Julai 2004, di antara lain :-

"Sebagaimana juga kita mempersiap dan menyediakan insfrastuktur asas kehidupan seperti perumahan , jalanraya, elektrik, air, bangunan-banguna dan seumpamanya, maka begitulah pula hal dengan jiwa, semangat dan pemikiran adalah memerluka tarbiah langsung oleh negara. Maka untuk itu, bidang pendidikan dan dakwah adalah memainkan peranan yang utama. Sebab itulah jentera pendidikan dan dakwah itu tidak boleh sama sekali lemah. Pendidikan pada khususnya mestilah jelas, bahawa keperluan umum tidak akan mengatasi keperluan agama. Dalam makna, pendidikan agama juga hendaklah sama-sama diutamakan. Diperingkat asas, pendidikan agama hendaklah sempurna, sementara diperingkat tinggi pula hendaklah mampu melahirkan ulama dan cendiakawan berwibawa. Jangan sama sekali ia kurang atau dikurangkan kerana berdasarkan fakta sejarah dimana-mana sahaja, jika pendidikan agama lemah, maka akan lemahlah pula bangsa".

16.4 Kesan


Pendidikan agama yang teratur dan terancang di negara ini sejak berpuluhan tahun yang lalu telah mencapai sebahagian yang dihasratkan oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzadin Waddaulah Sultan Dan Yang Dipertuan Negara Brunei Darussalam yang mahukan supaya rakyat dan penduduk negara ini menjadikan Islam sebagai cara hidup yang lengkap seperti dalam dalam perutusan Hari Raya Puasa 1387 antara lain Baginda bertitah:

“Beta percaya rakyat beta yang dikasih sekalian sedia memahami bahawa perkembangan-perkembangan bahagian ugama yang telah dilancarkan dengan baiknya itu adalah merupakan pada keseluruhannya sebagai alat atau sistem untuk terus mencapai matlamat yang menjadikan Islam sebagai satu cara hidup yang lengkap dan penuh dengan nikmat bagi keseluruhan rakyat dan penduduk di Negeri Brunei Darussalam”.

Oleh itu peliharalah ugama Islam, peliharalah aqidah kita, amalkanlah ajaran-ajaran ugama kita, Insya Allah, kita akan selamat di dunia dan di akhirat.

Hidup Harmoni

17. Dalam pada itu, kita jangan lupa bahawa di samping ugama kita, ada ugama lain, ada pemeluk-pemeluk ugama lain. Al-Quran memberikan panduan dalam surah al-Kaafirun ayat 6 :



Maksudnya :

“Bagi kamu agama kamu, dan bagiku agamaku”.

Ini digambarkan oleh Nabi *sallallahu alaihi wasallam* semasa Baginda di Madinah, iaitu terciptanya apa yang dikenali sebagai “Piagam Madinah”. Piagam itu menjamin kebebasan berugama, orang Islam dengan ugamanya, orang Yahudi dengan ugamanya, tidak boleh kacau mengacau, masing-masing hendaklah memelihara keamanan, hidup berpengertian dalam suasana yang harmoni.

Rasulullah *sallallahu alaihi wasallam* memberi panduan menganai dengan kehidupan yang harmoni melalui hadith Baginda:

« أَتَيْنَا اللَّهَ حِينَما كُنْتَ ، وَأَتَيْنَاهُ الْسَّيِّئَةَ
الْحَسَنَةَ تَمْحُهَا ، وَخَالِقُ النَّاسَ بِخُلُقٍ حَسَنٍ »

Maksudnya ;

"Bertaqwalah engkau kepada Allah di mana saja engkau berada, dan ikutilah kejahanan dengan mengerjakan kebaikan, pasti akan menghapuskaninya, dan bergaullah sesama manusia dengan budi yang baik".

Saya petik وَخَالِقُ النَّاسَ بِخُلُقٍ حَسَنٍ yang bermaksud "dan bergaullah sesama manusia dengan budi yang baik", di sini digunakan perkataan أَنَّاسٌ (manusia), berbudi baik kepada manusia, apa pun ugamanya, ia adalah manusia.

Tolak Keganasan

18. Bagi menciptakan kehidupan yang harmoni, kita dilarang bunuh membunuh. Surah al-Israa ayat 33 :

وَلَا نَفْتَلُوا النَّفْسَ أَلَّا حَرَمَ اللَّهُ إِلَّا بِالْحَقِّ

Maksudnya :

"Dan janganlah kamu membunuh diri seseorang manusia yang diharamkan oleh Allah membunuhnya kecuali dengan alasan yang benar".

Dan kita dilarang melakukan kerosakan, surah al-'Araaf ayat 85:

وَلَا نَفْسِدُوا فِي الْأَرْضِ بَعْدَ إِصْلَاحِهَا

Maksudnya :

“Dan janganlah kamu berbuat kerosakan di muka bumi sesudah Allah menjadikannya (makmur teratur) dengan sebaik-baiknya”.

Isu-sejagat yang diriuh-riuhkan sekarang ini, iaitu keganasan, termasuklah pembunuhan bukan dengan alasan yang hak, dan melakukan kerosakan yang ditundingkan kapada umat Islam, sebenar ajaran Al-Quran melarang perbuatan-perbuatan itu, maka apa yang berlaku itu merupakan perbuatan-perbuatan yang diluar ajaran Al-Quran, pelakunya adalah manusia yang akhlaknya diluar akhlak yang diajarkan oleh Al-Quran.

Panduan Al-Quran ialah berakhlik dengan budi pekerti yang baik, dan yang terbaik untuk kebahagian sesama manusia, manakala akhlak yang buruk seperti menganas, membunuh bukan dengan alasan yang hak, dan melakukan kerusakan adalah diluar ajaran Al-Quran, kerana ia mengundang keseksaan dan kecelakaan.

Didikan Akhlak

19. Isu-isu sosial adalah timbul daripada tahap akhlak yang rendah, ia berpunca daripada hati. Rasulullah *sallallahu alaihi wasallam* bersabda :

إِنَّ فِي الْجَسَدِ مَغْنِيَةً، إِذَا صَلَحَتْ صَالِحَةً
كُلُّهُ، وَإِذَا فَسَدَتْ فَسَادَ كُلُّهُ
وَجْهٌ قَبْلَهُ

Maksudnya :

“Sesungguhnya dalam tubuh manusia itu ada segumpal daging, apabila ia baik, maka baik pula seluruh badan. Tetapi apabila ia buruk (rosak) maka rosaklah pula seluruh badan. Ingatlah ia adalah hati”.

Yang Dimuliakan Pehin Datu Seri Maharaja Dato Seri Utama (Dr.) Haji Ismail bin Omar Abdul Aziz, Mufti Kerajaan Brunei, dalam Mukaddimahnya dalam buku "

Zainul Insan " mengatakan bahawa : "Dalam membentuk dan membangun akhlak maka penekanan hendaklah ditujukan kepada "HATI", perkara "hati" berhubung rapat dengan "Tasawuf". Tasawuf itu ialah suatu didikan dan latihan di atas diri dan jiwa, dan mencabutkan sifat-sifat yang dikeji, menahan kemahuan dan syahwat, dan meletakkan diri di atas sifat sabar dan redha dan taatkan Allah adan RasulNya *sallallahu alaihi wasallam*.

Tasawuf yang bersih ialah tasawuf ulama dan ahli ibadat yang kenal dan yang arif dengan Allah Subhanahu Wa Ta'ala, yang berpegang dengan perintah-perintah Allah dan menjalankan syariat Allah, mereka ialah sahabat-sahabat Rasulullah *sallallahu alaihi wasallam* dan pengikut-pengikut para sahabat itu".

Berkata al-Imam an-Nawawi dalam Syarah al-Muhazzab: "Ada pun ilmu hati ialah mengetahui penyakit-penyakit hati seperti hasad, ujub, dan lain-lain penyakit seumpama keduanya itu ". Dan berkata al-Imam al-Ghazali bahawa: "Mengetahui erti-erti penyakit hati itu, dan mengetahui sebab-sebab datang penyakit hati itu, dan mengetahui cara mengawal penyakit-penyakit hati itu, dan mengetahui cara mengubati penyakit-penyakit hati adalah suatu Fardhu 'Ain wajib dikerjakan oleh tiap-tiap orang mukallaf yang akil baligh".

20. Punca keruntuhan ummah ialah kerja-kerja maksiat, perbuatan maksiat yang melanggar perintah Allah, perbuatan dosa, perbuatan yang keji seperti berjudi, berzina, minum arak, mencuri dan sebagainya. Kerja-kerja maksiat gambaran tahap akhlak yang rendah.

Maksiat itu ada dua; satu maksiat zahir iaitu perbuatan yang melanggar perintah Allah yang dilakukan oleh anggota tubuh badan yang zahir seperti tangan dan kaki. Yang satu lagi ialah maksiat batin iaitu perbuatan yang melanggar perintah Allah yang dilakukan oleh hati, iaitu segala perangai jahat, sifat-sifat yang dikeji oleh syarak, seperti hasad dengki dan marah.

Keruntuhan ummah kerana maksiat digambarkan oleh Allah dalam Al-Quran, surah al-Israa ayat 16 – 17 :

﴿١٥﴾ وَإِذَا أَرْدَنَا أَنْ تُهْلِكَ قَرْيَةً أَمْرَنَا مُتَرْفِهَا فَسَقَوْفَهَا
فَحَقَّ عَلَيْهَا الْقَوْلُ فَذَمَّرَنَاهَا تَدْمِيرًا ﴿١٦﴾ وَكُمْ أَهْلُكَنَا مِنْ
الْقُرُونِ مِنْ بَعْدِ نُوحٍ وَكُفَّى بِرَبِّكَ بِذُنُوبِ عِبَادِهِ خَيْرًا بَصِيرًا ﴿١٧﴾

Maksudnya :

“Dan apabila sampai tempoh Kami hendak membinasakan penduduk sesebuah negeri, Kami perintahkan (labih dahulu) orang-orang yang melampau-lampau dengan kemewahan di antara mereka (supaya taat), lalu mereka menderhaka dan melakukan maksiat padanya; maka berhaklah negeri itu dibinasakan, lalu Kami menghancurkannya sehancur-hancurnya.

Dan beberapa banyak umat-umat yang Kami telah binasakan sesudah zaman Nabi Nuh alaihi sallam; dan cukuplah Tuhanmu (wahai Muhammad) mengetahui lagi melihat akan dosa-dosa hambaNya ”.

21. Akhlak yang diajarkan oleh al-Quran ialah akhlak yang bertunjangkan akidah, akhlak yang sedemikian itu mempunyai asas yang kukuh, kerana ia berdiri di atas asas keimanan iaitu kekuasaan Allah Subhanahu Wa Ta’ala, qadha dan qadar, dosa dan pahala, ganjaran baik dan pembelasan jahat di akhirat, dan sebagainya.

Akhlik yang disarankan oleh al-Quran sangat banyak seperti iman, takwa, amal saleh, ikhlas, sabar, amanah, zuhud, adil, suka menolong, suka memaafkan, pemurah, dan sebagainya. Dalam pada itu al-Quran telah menyenaraikan akhlak yang keji seperti kufur, munafik, hasad, dengki, khianat, pendusta, penipu, pembunuhan, pemabuk, penzina, pengumpat dan sebagainya.

Uswatun Hasanah أسوة حسنة

22. Allah Subhanahu Wa Ta'ala menegaskan di dalam Al-Quran surah al-Qalam ayat (4) bahawa Rasulullah sallallahu alaihi wasallam adalah manusia yang paling tinggi akhlaknya.

وَإِنَّكَ لَعَلَىٰ خُلُقٍ عَظِيمٍ ﴿٤﴾

Maksudnya :

“Dan bahawa sesungguhnya engkau (wahai Muhammad) mempunyai akhlak yang sangat mulia ”.

Dan Allah Ta'ala menegaskan di dalam Al-Quran surah al-Ahzab ayat (21) bahawa akhlak Rasulullah sallallahu alaihi wasallam adalah contoh ikutan yang sebaik-baiknya.

لَقَدْ كَانَ لَكُمْ فِي رَسُولِ اللَّهِ أَشْوَأُهُوَّةً حَسَنَةٌ
لِمَنْ كَانَ يَرْجُوَ اللَّهَ وَالْيَوْمَ الْآخِرِ وَذِكْرُ اللَّهِ كَثِيرًا ﴿٢١﴾

Maksudnya :

“Demi sesungguhnya ! adalah bagi kamu pada diri Rasulullah itu contoh ikutan yang baik, iaitu bagi orang yang sentiasa mengharapkan (keredhaan) Allah dan (balasan baik) hari akhirat, serta ia pula menyebut dan memperingati Allah banyak-banyak (dalam masa susah dan senang)”.

Rasulullah sallallahu alaihi wasallam itu di utus oleh Allah ialah sebagai mana sabda Baginda sallallahu alaihi wasallam yang berbunyi :

إِنَّمَا يُعَذِّبُ اللَّهُمَّ كَمْ لَا يَحْلُمُ

Maksudnya :

"Sesungguhnya aku diutus tidak lain hanya untuk menyempurnakan kemuliaan akhlak".

Oleh itu, kita perlu mempelajari dan mengkaji sunnah Rasulullah khasnya mengenai akhlak Baginda *sallallahu alaihi wasallam*, dan termasuklah usaha-usaha baginda dalam menangani isu-isu sosial, kerana Rasulullah *sallallahu alaihi wasallam* ditegaskan oleh Allah dalam Al-Quran contoh ikutan yang baik.

Rahmat

23. Al-Quran merupakan rahmat bagi orang yang mempercayainya dan beriman yang sentiasa mengamalkan ajaran-ajarannya, menghalalkan apa yang dihalalkan, dan mengharamkan apa yang diharamkan, sehingga mereka dapat memasuki syurga dan terselamat daripada seksaan mereka. Allah subhanahu wa ta'ala berfirman dalam Surah Al-Maidah ayat 15 dan 16 :

قَدْ جَاءَكُم مِّنْ أَنَّهُ نُورٌ وَّكِتَابٌ
مُّبِينٌ ۝ يَهْدِي بِهِ اللَّهُ مَنِ اتَّبَعَ رِضْوَانَهُ
سُبْلَ السَّلَامِ وَيُخْرِجُهُم مِّنَ الظُّلْمَاتِ إِلَى
النُّورِ يَأْذِنُهُ وَيَهْدِيهِمْ إِلَى صِرَاطٍ مُّسْتَقِيمٍ ۝

Maksudnya :

"Sesungguhnya telah datang kepada kamu cahaya kebenaran (Nabi Muhammad) dari Allah, dan sebuah Kitab (Al-Quran) yang jelas nyata keterangannya. Dengan Al-Quran itu Allah menunjukkan jalan-jalan keselamatan serta kesejahteraan kepada sesiapa yang mengikut keredhaanNya, dan dengannya

Tuhan keluarkan mereka dari gelap gelita (kufur) kepada cahaya (iman) yang trerang benderang, dengan izinNya: dan dengannya juga Tuhan menunjukkan mereka ke jalan yang lurus ”.

24. Bagi Negara Brunei Darussalam, pendidikan agama sangatlah penting kerana ia merupakan instrumen utama bagi mewujudkan individu yang sempurna dan seterusnya membentuk masyarakat yang aman dan berdisiplin dengan nilai-nilai akhlak yang tinggi, ajaran Islam itu menjadi sebagai cara hidup yang lengkap dan penuh dengan nikmat bagi keseluruhan rakyat dan penduduk Negara Brunei Darussalam, dalam negara (بِلَدَةٌ طَيِّبَةٌ وَرَبُّ غَفُورٍ)

Maksudnya :

“(Negeri kamu ini adalah) negeri yang baik (aman dan makmur), dan (Tuhan kamu adalah) Tuhan yang amat pengampun”.

Oleh itu, kita wajib memberikan perhatian yang bersungguh-sungguh terhadap pendidikan agama dan perjalanan pelajaran ugama, ia hendaklah sentiasa dipantau, diperkemas, diperingkat dan diperhebatkan secara optima di semua lapisan masyarakat sesuai dengan kurnia titah Kebawah Duli Yang Maha Mulia sempena hari kebangsaan Negara Brunei Darussalam yang Ke 21, pada 23hb Februari 2005 antara lain bermaksud :

- (i) Jentera pendidikan dan dakwah itu tidak boleh sama sekali lemah.
- (ii) Pendidikan agama juga hendaklah sama-sama diutamakan.
- (iii) Di peringkat asas, pendidikan agama hendaklah sempurna,
- (iv) Di peringkat tinggi pula hendaklah mampu melahirkan ulama dan cendiakawan berwibawa.
- (v) Jangan sama sekali ia kurang atau dikurangkan kerana berdasarkan fakta sejarah dimana-mana sahaja, jika pendidikan agama lemah, maka akan lemahlah pula bangsa.

25. Dan untuk menghilangkan sebarang kekeliruan, maka pelajaran-pelajaran lain yang berbentuk akademik dan kemahiran hendaklah diteruskan, dan jangan sekali-

kali diabaikan, kerana pelajaran akademik dan kemahiran itu menjadi sukat-sukat kekuatan dan kemuliaan suatu bangsa dan sesebuah negara menurut sukat-sukat dunia internasional.

Pendeknya, pelajaran ugama hendaklah diutamakan sebagaimana pelajaran akademik dan kemahiran mendapat tempat utama, bagi mencapai maksud doa yang diajarkan oleh Allah dalam Al-Quran:

رَبَّنَا إِنَّا فِي الدُّنْيَا حَسِنَةٌ وَفِي الْآخِرَةِ حَسِنَةٌ وَقِنَا عَذَابَ النَّارِ
٢٠١

Yang bermaksud :

“Wahai Tuhan kami! Berikanlah kepada kami kebaikan di dunia, dan kebaikan di akhirat, dan peliharalah kami dari azab neraka”.

Sekian.

وَبِاللَّهِ التَّوْفِيقُ وَالْهُدَى
وَالسَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Bibliografi

Al-Quran Al-Karim

Jabatan Kemajuan Islam Malaysia, **Tafsir Pimpinan Ar-Rahman Kepada Pengertian Al-Quran**, Kuala Lumpur : Pusat Islam Malaysia, Darul Fikri

M. Quraish Shihab, **Tafsir Al-Mishbah, Pesan, Kesan dan Keserasian Al-Quran**, 2003, Jakarta : Lentera Hati.

Abdullah Nasih Ulwan, Penterjemah: Syed Ahmad Semait, **Pendidikan Anak-anak Dalam Islam**, (jilid satu dan dua), 1988, Singapura: Pustaka Nasional PTE LTD.

Afzalur Rahman, Penterjemah : Zaharah Salleh, **Ensiklopedia Sirah, Sunah, Dakwah dan Islam**, Jilid I, 2000, Kuala Lumpur: Dewan Bahasa dan Pustaka.

Pechin Orang Kaya Ratna Diraja, Dato Seri Utama Haji Mohd. Zain Bin Haji Serudin (kini dikenali sebagai Pechin Jawatan Luar Pekerma Raja Dato Dr. Haji Md. Zain Bin Haji Serudin), **Zainul Insan**, 1980, Brunei : Syarikat Mega.

Dato Seri Setia Awang Haji Abdul Hamid bin Mohd Daud, **Perkembangan Persekolahan Agama Di Negara Brunei Darussalam dari Tahun 1956-1984**, 2004, Negara Brunei Darussalam: Dewan Bahasa dan Pustaka.

Jabatan Pengajian Islam, **Pendidikan Ugama di Negara Brunei Darussalam, 1996**, Negara Brunei Darussalam: Jabatan Pengajian Islam, Kementerian Hal Ehwal Ugama.

Kumpulan Titah Kebawah Duli Yang Maha Mulia Paduka Seri Baginda Sultan Dan Yang Di-Pertuan Negara Brunei Darussalam.

Dr Haron Din, **Manusia dan Islam**, Jilid dua, 2003, Selangor Darul Ehsan: Dawama Sdn.Bhd.

Fadhilah A.Alim, Muhammad A.Shahbudin, **Asas-asas Pembentukan Akhlak Mulia**, 1999, Selangor Darul Ehsan: Perniagaan Jahabersa.

Zulkifli Hj. Mohd. Yusof, **Tafsir ayat-ayat ahkam**, 1997, Kuala Lumpur : Berita Publishing Sd.Bhd.

Jabatan Pembangunan Masyarakat, Kementerian Kebudayaan, Belia dan Sukan, **Laporan Komprehensif Jawatankuasa Peringkat Kebangsaan Bagi Menangani Isu Sosial**.

Jabatan Kehakiman Negara, **Statistik Mahkamah Syariah**, Jabatan Perdana Menteri.

Kamus Dewan, Edisi Ketiga, 2002, Kuala Lumpur : Dewan Bahasa Dan Pustaka.

Pelita Brunei, 28 Januari 2004.

Borneo Bulletin, 18hb Disember 2004.

Media Permata, 24 November 2000.

دكتور محمد سيد رمضان، فقة السيرة : دراسات منهاجية علمية لسيرة المصطفى الصلوة والسلام، 1397هـ - 1997م، لبنان : دار الفكر.

أبي محمد عبد الملك بن هشام المعافري المعروف بسيرة ابن هشام، السيرة النبوية، 1419هـ - 1998م، القاهرة : دار الحديث.

محمد علي الصابوني، مختصر تفسير ابن كثير، بيروت : دار القرآن.

عبد الرحمن النحلاوي، موعظة القلوب دروس ومواقف تربوية حية من القرآن والسنة 1998، بيروت: دار الفكر المعاصر.

محمد علي الصابوني، روائع البيان تفسير آيات الأحكام، (ج 1&2)، 1985، دمشق: مكتبة الغزالي.

محمد خير رمضان يوسف، لقمان الحكيم وحكمه دراسة تحليلية مقارنة على ضوء القرآن والسنة والتاريخ، 1412هـ، بيروت: الدار الشامية.